

## Općina Kakanj značajno unaprijedila saradnju sa privrednim subjektima

Prema istraživanjima koja je provelo nekoliko nezavisnih nevladinih udruženja, Općina Kakanj postigla je značajan napredak u unaprijeđenju saradnje sa velikim privrednim subjektima od kantonalnog, federalnog i državnog značaja, a koje imaju svoje proizvodne pogone na području općine Kakanj.



# Pogled Naprijed

Kakanj – 29. februar 2028. – 0,00KM



## Nova saobraćajnica kroz MZ Kakanj II



Danas svečano otvaramo novoizgrađenu saobraćajnicu kroz mjesnu zajednicu Kakanj II. Saobraćajnica je bila višedecenijski projekat koji iz mnogih razloga nije bio realizovan. Pored saobraćajnice, uspjeli smo uz saglasnost građana i viših nivoa vlasti, izvršiti izgradnju korita rijeke Zgošće.

## OBRAĆANJE NOSIOCA LISTE




## OBRAĆANJE KANDIDATA ZA NAČELNIKA



## Općina Kakanj transformira zdravstvenu i socijalnu zaštitu

Općina Kakanj je unaprijedila zdravstvenu zaštitu rekonstrukcijom zgrade Doma zdravlja Kakanj sa svim potrebnim zdravstvenim uslugama koje su neophodne građanima općine, kao i gradnjom nove zgrade Hitne medicinske pomoći.



## unaprijedila saradnju sa privrednim subjektima

Prema istraživanjima koja je provelo nekoliko nezavisnih nevladinih udruženja, Općina Kakanj postigla je značajan napredak u unaprjeđenju saradnje sa velikim privrednim subjektima od kantonalnog, federalnog i državnog značaja kao i sa privatnim privrednim subjektima koji imaju svoje proizvodne pogone na području općine Kakanj. One svojim radom utječu na sigurnost i kvalitetu života građana. Na današnjoj tribini „Sigurno i Sretno Kakanj: Naša Vizija i Postignuća“, načelnik Dženan Kubat predstavio je uspjehe svoje administracije. „Nije bilo lahko, ali smo se odlučili suočiti s izazovima. Prioriteti su bili: dobijanje garancija o vremenu rada proizvodnih kapaciteta, uspostava kvalitetnog i tačnog monitoringa zraka, zapošljavanje naših građana, dosadašnji loš odnos privrednih subjekata naspram lokalne zajednice, uništavanje zraka, vode i tla, nemogućnost uspostave kvalitetne komunikacije sa industrijom koja je od značaja



Foto: ntvic.ba

za Bosnu i Hercegovinu i njenu energetske opstojnost. Sve to je značajno otežalo i loše utjecalo na život naših sugrađana. Uspostavom bolje kvalitete saradnje i poduzimanjem koraka u našoj nadležnosti izborili smo se da život i sigurnost, opstojnost naših građana na području općine Kakanj

budu prioritet. U našoj nadležnosti je briga za naše sugrađane i našu lokalnu zajednicu. Uspjeli smo nizom projekata, kroz saradnju sa privrednim subjektima, ona područja koja su eksploatirana vratiti u posjed lokalne zajednice i izgraditi značajne infrastrukturne projekte koji su pozitivno utjecali na kvalitetu života građana općine Kakanj.

### Priče sa kojima se ponosimo

## Nova saobraćajnica kroz MZ Kakanj II

Danas svečano otvaramo novoizgrađenu saobraćajnicu kroz mjesnu zajednicu Kakanj II. Saobraćajnica je bila višedecenijski projekat koji iz mnogih razloga nije bio realizovan. Pored saobraćajnice, uspjeli smo uz saglasnost građana i viših nivoa vlasti, izvršiti izgradnju korita rijeke Zgošće. Izgradili smo i šetalište sa nizom sadržaja (klupe i drugi mobiljar za šetače).

Pored toga što je saobraćajnica umnogome rasteretila saobraćaj kroz naselja Albanija i "Parmak mahala", ujedno je obezbijedila na izvjestan način odvijanje kružnog toka saobraćaja kroz navedena naselja. Projekat koji smo radili zajedno sa mještanima mnogo je olakšao i ubrzao kretanje ljudi i protok



Foto: ATMOSFERA, Instagram

saobraćaja kroz MZ Kakanj II prema ostalim mjesnim zajednicama, kao što su Zgošća, Tršće, Zgrade. Olakšan je odlazak na kakanjsko izletišta Ponijeri. Šetalište koje smo izgradili pružat će našim sugrađanima, naročito u ljetnim danima, značajno osvježenje dok uživaju uz rijeku Zgošću.

## Općina Kakanj pritisknula javna preduzeća za unaprjeđenje usluga



Foto: kakanjinfo.com

Općinska administracija općine Kakanj značajno je unaprijedila usluge komunalnih preduzeća „Vodokom“ i „Grijanje“ na svom području. Kroz intenzivnu komunikaciju i koordinaciju s nadležnim u JP, Općina je uspjela skrenuti pažnju na ključne

probleme u uslugama istih. Posebno je fokusirana na očuvanje i unaprjeđenje javnih prostora i komunalnih usluga, koji su od vitalnog značaja za svakodnevni život građana. Odradili smo dosta posla na proširenju sistema daljinskog grijanja čime je u zimskom periodu značajno smanjena загаđenost zraka.

Prilagodili smo cijenu grijanja krajnjim potrošačima, našim sugrađanima, čime smo utjecali na veći broj priključaka na mrežu daljinskog grijanja.

Postigli smo značajan uspjeh na poboljšanju čistoće te održavanju ulica i javnih prostora mnogo čistijim nego do sada.

Ovaj uspjeh rezultat je mukotrpnog rada Općinske administracije, koja je uspjela mobilizirati javnu podršku i koristiti svoj utjecaj za postizanje značajnih promjena, pokazavši da može značajno utjecati na kvalitetu života građana.



Foto: ratnizlocin.detektor.ba

## Informacija građanima: Bitni infrastrukturni projekti u Kakanju

Na području općine Kakanj, u saradnji s nadležnim kantonalnim i federalnim nivoima, trenutno se realizira nekoliko značajnih infrastrukturnih projekata. Iako nadležnost za neke od projekata nije




Foto: kakanj.gov.ba

u rukama općinske administracije, Općina se trudi obavještavati građane o trenutnom statusu i napretku radova. Ovi projekti, koji uključuju modernizaciju saobraćajnica, rekonstrukciju javnih objekata i unaprjeđenje komunalne infrastrukture, imaju za cilj poboljšati kvalitetu života i funkcionalnosti naše zajednice. Radi se o sljedećim projektima, o kojima će građani redovno biti informirani: izgradnja sistema za odsumporavanja u TE Kakanj, izgradnja banjско-lječilišno-rekreacionog centra Tičići, izgradnja saobraćajnice od Kr.Sutjeske do izletišta Ponijeri, projekt rekultivacije područja Greben Kakanj, kao i projekt izgradnje regionalne ceste Čatići- Donji Kakanj.

## Priče sa kojima se ponosimo

## Općina Kakanj transformira zdravstvenu i socijalnu zaštitu



Općina Kakanj je unaprijedila zdravstvenu zaštitu rekonstrukcijom zgrade Doma zdravlja Kakanj sa svim potrebnim zdravstvenim uslugama koje su neophodne građanima općine, kao i gradnjom nove zgrade Hitne medicinske pomoći. Time su poboljšani uslovi rada zaposlenih u zdravstvenom sistemu na području općine, a građanima je osigurana bolja i kvalitetnija zdravstvena usluga. Pored toga, izgrađen je Centar za zdravo starenje, odnosno starački dom u kome se pruža značajna pomoć i podrška starijima. Ova inicijativa, uz podršku općinske administracije,

ima veliki značaj za građane. Pored općinske administracije, raznih nevladinih udruženja, tu su i mladi volonteri koji, ne samo da organiziraju razne aktivnosti, već i vode brigu o dnevnim potrebama samaca starijih od 65 godina koji žive na području općine. Kroz specijaliziranu obuku, stječu vještine za rad sa starijim osobama, pomažu im u svakodnevnim zadacima i pružaju društvo. Ovaj projekat obogaćuje život starijih građana, a mladima omogućava razvoj ključnih vještina. Općina Kakanj nastavlja s podrškom ovim inicijativama, vjerujući da međugeneracijska saradnja doprinosi jačanju zajednice i boljoj kvaliteti života svih njenih članova.

# Obraćanje kandidata za načelnika Dženana Kubata

Dragi sugrađani i sugrađanke,

vijesti iz 2028. godine predstavljaju viziju za Općinu Kakanj, koju je kreirao tim Pokreta NAPRIJED. Ova vizija, koju ćemo ODLUČNO provesti moje kolege i ja, temelji se na stvarnim potrebama naše zajednice, identifikovanim putem ankete među stanovnicima Općine. Transparentno i pravično upravljanje resursima naš je cilj, a radit ćemo na ravnopravnom raspolaganju sredstvima za dobrobit svih građana.

Vaš angažman u kreiranju politika je ključan, pa ćemo budžet formirati na osnovu terenskog i elektronskog prikupljanja vaših potreba. Uvest ćemo promjene koje povećavaju autonomiju mjesnih zajednica u predlaganju i realizaciji projekata, te formirati vijeća koja će kreirati stvarnu politiku za našu lokalnu zajednicu.

Također, svaki pojedinac moći će jednostavno podnijeti prijedloge i pratiti njihov status putem aplikacije i web stranice Općine.



Uvest ćemo vijeća za privrednike, koja će aktivno sudjelovati u donošenju i kreiranju politika za poboljšanje života u našoj zajednici. Vijeće vjerskih zajednica imat će značajnu ulogu u mobiliziranju resursa za uspješnu realizaciju novih izazova.

Naša vizija je otvaranje Općine Kakanj ka investicijama, novim radovima i idejama, uz stvaranje novih radnih mjesta. Novim prostornim planom značajno ćemo poboljšati uslove života u Kakanju.

Podržite Novu Bosansku Politiku, mene za Načelnika, i kandidate liste NAPRIJED kako bismo zajedno ostvarili ovu viziju.

## Odlučno NAPRIJED za Općinu Kakanj!

## Obraćanje nosioca liste Đenadina Veispahića

Poštovani sugrađani i sugrađanke, nalazimo se u teškim vremenima za našu općinu. Rudnik Kakanj je pred kolapsom, Termoelektrana i Cementara prekomjerno eksploatišu naše resurse, a lokalna zajednica od toga ne vidi pravu korist. Mala i srednja preduzeća jedva opstaju, a nove ideje i podrška za investitore su rijetkost.

Socijalno nezadovoljstvo raste, a broj nezaposlenih se izjednačio s brojem zaposlenih. U ovakvim uslovima, normalan život postaje neodrživ, a o održivim projektima se gotovo i ne priča.

Zato smo odlučni da naš cilj bude borba za osnovna ljudska prava, socijalnu pravdu i građanske slobode. Vjerujemo da svaki pojedinac i cijela zajednica zaslužuju održiv i dostojanstven život.

Zbog toga, predani smo izgradnji parlamentarne demokratije na nivou lokalne zajednice. Kakanj želimo pretvoriti u stabilnu, funkcionalnu i razvojnu sredinu, mjesto gdje će svaki čovjek moći dostojanstveno živjeti.

Naša vizija uključuje praćenje pozitivnih primjera privrednog, ekonomskog, ekološkog i društvenog razvoja.

Stoga, sa ponosom vam predstavljamo tim ljudi na listi za Općinsko vijeće. Zajedno, sigurni smo da možemo ostvariti napredak u svim oblastima: privredi, poljoprivredi, ekologiji, kulturi, zdravstvu, sportu i svim drugim segmentima važnim za našu zajednicu.

Tim Naprijed ima jasnu misiju za Kakanj. Potrebno je da Kakanj kroz glas za listu NAPRIJED prepozna svoju razvojnu šansu. Zajedno možemo ostvariti sve naše ciljeve i krenuti NAPRIJED.

Pozivam vas da nam se pridružite i podržite listu NAPRIJED. Zajedno možemo napraviti promjenu koju želimo vidjeti u našem Kakanju. Sve možemo zajedno – NAPRIJED!



# Provjereni ljudi za novo općinsko vijeće!


**KAKANJ** Donosimo listu kandidata za općinsko vijeće KAKANJ



**ŠUREJH BAHTIĆ** - Student je Fakulteta kriminalistike u Sarajevu, gdje je stekao temeljno znanje i stručnost u oblasti sigurnosti i prava. Akademsko obrazovanje i želja za boljom sigurnosti čine ga izvrsnim kandidatom. Šurejh je odlučio da se posveti lokalnoj politici i unaprijedi sigurnost građana Kakanja te uredi policijsku organizaciju na lokalnom nivou. Zalagat će se za povećanje broja policijskih patrola u područjima koja su identifikovana kao rizična, instalaciju sigurnosnih kamera na ključnim mjestima. Njegov politički rad uključuje konkretne mjere i planove koji će unaprijediti kvalitetu života i osjećaj sigurnosti u našoj zajednici. Kroz ove planirane mjere, Kakanj će postati mjesto gdje se svi građani mogu osjećati sigurno i zaštićeno.

4

**Šurejh Bahtić**



**ADELISA ISLAMOVIĆ** – Rođena je 2000. godine u Kakanju. 2021. godine diplomirala je na ITAcademy u Sarajevu. Profesionalne vještine razvijala je radeći kao zamjenski poslovođa. Ova iskustva su joj omogućila da uvidi različite aspekte poslovanja i upravljanja. Njen glavni politički interes leži u zapošljavanju mladih i unapređenju privrednog upravljanja. Svjesna je problema odlaska mladih iz općine Kakanj i države, dok naši privredni potencijali i resursi ostaju nedovoljno iskorišteni. Njen cilj je stvoriti koheziju između stvarnih potreba privrede i zapošljavanja mladih. Smatra da je nedopustivo da mladi ljudi, sa svojim vještinama i obrazovanjem, napuštaju Kakanj i BiH zbog nedostatka radnih mjesta. Stoga, zalagat će se za bolju upotrebu privrednih resursa i otvaranje novih prilika za zapošljavanje.

9

**Adelisa Islamović**



**ERMIN SMAKA** - Rođen je u Kakanju. Radi u Rudniku Kakanj. Kao aktivan sudionik odbrambeno-oslobodilačkog rata, duboko je posvećen službi svojoj zajednici i želi nastaviti doprinositi njenom razvoju. Glavni fokus mu je ekologija i poboljšana kvaliteta zraka u Kakanju. Želi se zalagati za projekte koji će smanjiti emisije zagađivača i unaprijediti ekološke standarde u gradu. Težit će ka sistemskom rješavanju uslova za sport u Kakanju kroz unapređenje sportskih infrastruktura. Radit će na izgradnji kvalitetnih asfaltnih puteva, adekvatne javne rasvjete i unapređenje sistema vodosnabdijevanja i kanalizacije. Erminov cilj je stvoriti sredinu u kojoj će svi građani imati jednak pristup osnovnim uslugama i resursima.

15

**Smaka Ermin**



**NEDŽLA HARAČIĆ** - Rođena je 1989. godine. Odlučna je i posvećena rješavanju problema unutar lokalne zajednice. Karijeru i društveni angažman usmjerila je na poboljšanje kvalitete života građana Kakanja. U kompaniji Vispak radi na unapređenju poslovanja. Kao supruga i majka, posvećena je i porodičnom životu. Zbog ozbiljnih problema s prometnom sigurnošću u Kakanju (loša vidljivost prometnih znakova, neispravne ili nepostojeće željezničke rampe), njena vizija jeste ulaganje u modernizaciju i održavanje prometne infrastrukture. Duboko je zabrinuta zbog porasta nasilja u porodici. Ima viziju o provođenju kampanja za podizanje svijesti o problemu, kao i pružanje podrške žrtvama nasilja. Planira uspostaviti programe podrške za žrtve nasilja.

2

**Nedžla Haračić**



**ADNAN RUSTEMPAŠIĆ** - Rođen je 1969. godine u Kakanju. Diplomirao je na Fakultetu političkih nauka, smjer Odbrana i sigurnost, i trenutno radi kao samostalni tehničar u Termoelektrani Kakanj. Kao bivši pripadnik Armije BiH, posvećen je služenju zajednici i doprinosi njenom razvoju na svaki mogući način. Bavi se i šahom te vjeruje u strateško razmišljanje i planiranje. Njegov cilj je unaprijediti privredni razvitak općine, stvoriti povoljan ambijent za zapošljavanje mladih i bolje korištenje industrijskih kapaciteta. Jedan od ključnih aspekata političkog angažmana bit će rješavanje problema kontinuiranog snabdijevanja vodom za gradska i prigradska naselja. Posebnu pažnju pružit će kvaliteti i objektivnosti izvještavanja o vodi za piće. Smatra da je obaveza vlasti da traži alternativne izvore snabdijevanja vodom za piće.

**Adnan Rustempašić**

3



**SEJDA BEČIRHODŽIĆ** - Rođena je 1973. godine u Kaknju. Sejda je mašinski tehničar. Pored porodičnih obaveza, posvećena je humanitarnom radu kao njegovateljica, pružajući podršku starijim, bolesnim i nepokretnim osobama. Empatija i predanost čine je ključnom figurom u izgradnji zajednice temeljene na solidarnosti i poštovanju. Sejda vjeruje da je ključ stabilnosti i sigurnosti zajednice njegovanje međuljudskih odnosa. Zalaže se za odgovorno upravljanje javnim sredstvima, naglašavajući da svi koji raspolažu javnim novcem moraju djelovati u interesu građana i za dobrobit zajednice. Njena vizija je općina u kojoj će svi građani osjećati sigurnost, poštovanje i podršku, stvaranje prilika za bolji život. Sejda je glas koji će raditi neumorno na izgradnji zajednice u kojoj će svi imati jednake šanse i mogućnosti.

5

**Sejda Bečirhodžić**



**MAJRA BRKIĆ** - Rođena je 1995. godine u Kaknju, gdje je stekla osnovno i srednje obrazovanje. Daljnje školovanje nastavila je na Fakultetu za upravu u Sarajevu i stekla zvanje Bachelor uprave. Bavila se karateom. Stekla je zvanje certificiranog trenera i nosilac je crnog pojasa 2. dan. Udata je i ima dijete. Kao sugrađanka i majka, svjesna je problema s upisom djece u vrtiće. Nedostatak mjesta u državnim vrtićima veliki je problem. Iako Općina nudi subvencije, kriteriji su preveliki. Želi raditi na promjeni tih kriterija u korist roditelja i tome da cijena državnih i privatnih vrtića bude jednaka. Uočila je nedostatak vode u pojedinim naseljima. Radila bi na rješavanju tog problema, posebno tamo gdje je intervencija hitno potrebna. Borit će se za izgradnju gradskog bazena u Kaknju, bolju infrastrukturu u ruralnim predjelima i unapređenje saobraćajnica i javne rasvjete.

7

**Majra Brkić**



**REŠAD KUBAT** - Rođen je 1954. godine u Kaknju. Sada je penzionisan. Njegov angažman kroz pokret NAPRIJED usmjeren je ka unapređenju privrede i poljoprivrede. Smatra da je ključno vratiti prirodna i društvena dobra u ruke građana, kako bi ekonomski ojačali općinu. Član je lovačkog udruženja "Srndač" Kakanj i želi se posvetiti zaštiti divljih i ugroženih vrsta životinja. Također, radit će na smanjenju broja štetnih divljih životinja do prihvatljive razine, kako bi sačuvali ravnotežu u ekosistemu i zaštitili resurse koje priroda pruža. Zalažat će se za mjere koje će omogućiti građanima da bolje koriste prirodna bogatstva i poboljšaju kvalitetu života.

8

**Rešad Kubat**



**FARUK ČEHAJIĆ** - Rođen je 1954. godine u Kaknju. Završio je srednju ekonomsku školu u Sarajevu. Radio je u Domu zdravlja Kakanj, zatim u konfekciji odjeće Polet Kakanj, gdje je radio kao šef komercijale. Bio je šef nabave i komercijale u Novoj trgovini. Obnašao je funkciju direktora maloprodaje u firmi Velepromet Visoko. U penziji je i posvećen je doprinosu za bolje sutra naše zajednice. Želi poboljšati status penzionera uvođenjem olakšica u nabavi ogrjeva i zimnice. Njegova posvećenost humanitarnoj misiji ogleda se u namjeri da se izgradi dom za stara i iznemogla lica i penzionere.

10

**Faruk Čehajić**



**MERHIMA GADŽUN** - Rođena je 1968. godine u Kaknju. Po zanimanju je njegovateljica. Kroz politički pokret Naprijed želi se posvetiti vraćanju porodičnih vrijednosti koje su osnovni stub svake zajednice. Njen angažman u Općinskom vijeću usmjerit će se ka unapređenju infrastrukture i kvalitete života u općini. Jedan od ciljeva je da svako selo i mjesna zajednica dobiju pristup osnovnim uslugama i infrastrukturi, uključujući rasvjetu, asfalt, vodu i kanalizaciju. Kroz angažman u Općinskom vijeću, nastojat će osigurati da se glas građana čuje i da se stvaraju konkretni i održivi rezultati koji će unaprijediti svakodnevni život u Kaknju.

**Mehrima Gadžun**

11



*MEDIN HARAČIĆ - Rođen je 1957. godine u Kaknju. Osnovnu i srednju školu završio je u Kaknju. Bio je pripadnik Armije Republike BiH. Trenutno je u penziji, a bio je zaposlen u RMU Kakanj. Društveno je aktivan u svojoj mjesnoj zajednici Dumanac.*

**6** **NAPRIJED!**

**Medin Haračić**



*Rođen 19.1.1969. godine u Kaknju. Osnovnu i srednju školu za bravara završio je u Kaknju.*

**12** **NAPRIJED!**

**Adil Huseinović**



*Rođen 5.11.1983. godine u Kaknju. Osnovnu i srednju školu završio je u Kaknju.*

**14** **NAPRIJED!**

**Emir Spahić**



**13** **NAPRIJED!**

**Maida Hadžić**

# Mehmedović:

## Snaga bosanskog duha vodi nas NAPRIJED!

Poštovani,

svako od nas treba sebi postaviti logično pitanje: Zašto Naprijed?

Nakon agresije, Bosna i Hercegovina bila je duboko podijeljeno društvo, ali s ogromnim političkim kapitalom i ugledom u svijetu zbog vođenja odbrambeno-oslobodilački rat protiv mnoštva neprijatelja.

Etničku podjelu, koju su proizveli naši susjedi, vrijeme je dodatno učvrstilo, što je dovelo do podijeljenosti bh. društva u gotovo svim aspektima. Takvo stanje, u okvirima dejtonskog ustavno-pravnog uređenja, postaje neodrživo. Pozitivni politički kapital vremenom se topio da bi danas dostigao svoj minimum. Ujedinjenje bosanskog društva je imperativ političkog pokreta NAPRIJED. Najmanje što nas spaja je bosanska državnost, pripadnost državi Bosni i Hercegovini, a to nas je spajalo i kroz povijest.

### Zašto NAPRIJED?

Zato što je status quo postao model koji će nas preskupo koštati kao državu. I danas smo zarobljeni u tom stanju, bez mogućnosti institucionalnog odgovora na izazove današnjice. Nove geopolitičke okolnosti i izazovi su pred Bosnom i Hercegovinom.

Naši mladi odlaze zbog pravne i životne nesigurnosti uzrokovane teškom političkom situacijom u Bosni i Hercegovini. Ne vide budućnost ovdje. Zato treba NAPRIJED! Dok cijene rastu, plate stagniraju. Ne oslanjajte se na statistike; pogledajte šta možete kupiti za svoju platu. Vrijeme je da se zapitamo idemo li u pogrešnom smjeru. Moralna obnova društva je imperativ današnjice u Bosni i Hercegovini! Elementarni moralni principi su obaveza svakog člana zajednice. Zato treba NAPRIJED! Pokret koji će politikom kvaliteta obezbijediti osnovne vrijednosti u političkom životu naše zajednice i promijeniti negativan pogled na politiku i političare. NAPRIJED je već drugačiji od ostalih!

### ZAŠTO NAPRIJED?

Zato jer je MISIJA ovog pokreta upravo briga o svakom bh. čovjeku od rođenja do kraja života.

Djelovati kao opoziciona stranka u Bosni i Hercegovini i izaći na izbore, a s obzirom na opću ekonomsku i društvenu krizu, bez sumnje je "Sizifov posao".

No, postoji čuvena poruka Lava Nikolajeviča Tolstoja, ako se jedna grupa nečasnih ljudi domogne vlasti, nužno je da se nađe grupa časnih ljudi da im se suprotstavi.

Ovo bi mogao biti jak motiv da se neko danas, posebno mladi ljudi, odluči i odvaži politički angažirati. Bosna i Hercegovina je posebna zbog svog jedinstvenog uređenja temeljenog na Dejtonskom sporazumu. Kao tranzicijska postsocijalistička država, postala je hibrid komunizma i kapitalizma, bez socijalne osjetljivosti. Iako ima parlamentarnu demokratiju, vladajuće etničke oligarhije čine je autokratskom. Sadašnji vlastodršci izgradili su tri zasebna režima po etnonacionalnom konceptu. Trojka, odnosno ponašanje lidera ovih strana (SDP, NiP, NS), u bitnom se ne razlikuje od svojih prethodnika na vlasti. Jednostavno se čini kao da nema izlaza i rješenja ovog zamršenog čvora. Zato treba NAPRIJED! Alternativa mora dati nadu Bosni i Hercegovini te njenim građanima. Populizam je postao globalni trend, a razvojem društvenih mreža, ratnohuškačka retorika i govor mržnje u BiH ozbiljno su ugrozili multikulturalno naslijeđe naše zemlje.

I najvećim svjetskim umovima teško je definirati političke i ideološke trendove koji Bosnu i Hercegovinu vuku u srednji vijek. S pozicije teorije političkih doktrina vrlo je teško razvrstati stranke na lijevicu, centar i desnicu. Političke anomalije stvaraju defetizam i beznađe, pa malo idealista pokušava promijeniti situaciju. Nekolicina njih okupila se oko stranke NAPRIJED.

Vjerujemo u nesalomljiv bosanski duh, koji kroz historiju nalazi odgovore na sve izazove. Bosanski duh oživljava patriotizam i ljubav prema domovini, koju Bosanci svakodnevno iskazuju širom svijeta. Time je prožet Program pokreta NAPRIJED, kao i sve ono čime smo iznijeli viziju budućnosti naše domovine.

**Naša hrabrost da politički djelujemo unatoč "nemogućim misijama" dovoljno govori o nama. Želimo pokazati da smo drugačiji, s inovativnim političkim narativom i iskrenim namjerama. Naša su mjerila drugačija jer težimo biti pokret časnih i odvažnih ljudi koji imaju hrabrosti da ODLUČNO krenu NAPRIJED!**

**Našoj domovini treba reset sistema i drugačiji kadrovski potencijal. Prije svega, treba joj društvo kompetencija i znanja, društvo poštenih i čestitih kadrova čiji je prag tolerancije na korupciju nulti.**

**E, zato NAPRIJED treba našoj domovini! Snaga bosanskog duha leži u našoj sposobnosti da prkosom i odlučnošću krčimo puteve koji vode NAPRIJED!**



# Zvijezde, koraci i novi početak: Otkrijte simboliku logotipa NAPRIJED!

**Logo NAPRIJED! sastoji se od dva elementa: čovjeka i zvjezdica.**

Prikaz čovjeka koji korača naprijed simbolizira posvećenost političkog subjekta NAPRIJED! ka napretku. Zvijezde predstavljaju našu domovinu Bosnu i Hercegovinu, a istovremeno simboliziraju i Evropsku uniju, kojoj NAPRIJED! nastoji pridružiti našu domovinu.

Sam tekst "NAPRIJED" na logu blago je nagnut prema naprijed, što dodatno naglašava dinamiku za iskorakom i izlaskom iz stagnacije i teškoća koje nas trenutno opterećuju.

NAPRIJED za nas nije samo riječ, već obećanje, poziv na akciju i poziv na buđenje kolektivne svijesti. Boje našeg logotipa – plava i žuta – odabrane su kako bi odrazile simboliku zastave Bosne i Hercegovine, ali i zbog njihovog dubljeg značenja. Plava boja povezuje se s povjerenjem, lojalnošću i stabilnošću, dok žuta simbolizira optimizam, nadu i novi početak. Zajedno, ove boje šalju poruku da je NAPRIJED! politički subjekt na kojeg se možete osloniti da Bosnu i Hercegovinu povede NAPRIJED!.

Država kao imperativ, sigurnost, moralna obnova društva, iseljništvo, ekologija, mladi, neki su od temeljnih principa na kojem mi iz pokreta NAPRIJED! gradimo viziju dostojanstvenog i sigurnog života za sve građane Bosne i Hercegovine. Naša misija je da, kroz političku scenu BiH, postanemo pokret za transformaciju i ozdravljenje bosanskohercegovačkog društva, brinući o svakom čovjeku od rođenja do kraja života.

Pozivamo sve građane da budu dio promjena, da pokažemo bosanski inat kada je najteže. Naša budućnost je onakva kakvu želimo. Snaga bosanskog duha leži u našoj sposobnosti da s prkosom i odlučnošću krčimo puteve koji vode NAPRIJED!



NAPRIJED BOSNA I HERCEGOVINA!

Zmaja od Bosne 7  
71 000 Sarajevo  
info@naprijed.ba  
033/862 535  
www.naprijed.ba